



**Volumen Epistolarum, Qvas Romani Pontifices, Gregorijs
III., Stephanvs III., Zacharias I., Pavlvs I., Stephanvs IV.,
Adrianvs et Pseudopapa Constantinus miserunt& reges
Francorum, Carolvm Martellvm, ...**

Gretser, Jacob

[München], 1613

Paulus presbyter, Venerandus presbyter. Faroladus, Adalbertus,
Gaudiosus. Benedictus Diaconus, IOsue Diaconus. Hermenfridus,
Raginbertus, Autscarius, Gregorius, Agemodus, Daudid, Gaidualdus,
Ariolfus, ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

Omnes ex
clero Ro-
mano.

Paulus presbyter, Venerandus presbyter. Faroaldus, Adalbertus, Gaudiosus. Benedictus Diaconus, Iosue Diaconus. Hermensfridus, Raginbertus, Autscarius, Gregorius, Agemodus, David, Gaidualdus, Ariolfus, Stephanus. Garibaldus, Gregorius, Saninus, Aldosinto, Rothbertus, Ratchis, Haribertus, Leo, Martinianus, Allo, Maio, Beaptulfus, Cunualdus, Leminofus, Magnus, Vrsus, Autbaldus, Aldefusus, Petrus. Ansualdus. Allo. Petrus. Gratiofus. Faroaldus. Vrsus. Adualdus.

LXXIII.

DESTINAVIT nobis per vestros apices à Deo constituta regalis potentia, quia, Deo sibi contrario, Agarenorum gens cupiunt ad debellandum vestros introire fines. Hoc verò cognito, in magna exinde tribulatione atque afflictione positi sumus, sed nequaquam Dominus Deus noster talia fieri permittat, nec B. Apostolorum Petrus princeps. Nos vero dulcissime fili & magne Rex, incessanter pro vobis cum omnibus nostris sacerdotibus atq; religiosis Monachis, & cuncto clero vel vniuerso populo nostro, Domini Dei nostri deprecamur clementiam, vt ipsam nec dicendam Agarenorum gentem vobis subiiciat, & vestris eam substernat pedibus, vt minime præualere aduersus vos valeant, quia sicut populus Pharaonis demersus est in mari rubro, eo quod non crediderint Deo, ita & in hac vice Dominus Deus noster, per intercessionem B. Petri Apostoli, in vestris eos tradat manibus. Confortamini autem & estote robusti, quia Dominus omnipotens confidentibus in eum vestri regni dabit victoriam de inimicis vestris atque nostris, & sicut indefinenter die noctuq; ante Confessionem

tionem eiusdem Dei Apostoli, Domini deprecamur
maiestatem, vt vestrum dilatet regnum, ita nos faciat
de vestra sospitate & exaltatione regni vestri semper
in Domino exultare, in quibus & ante aliquantos dies
istius Maij mensis, quod vestros suscepissemus apices,
direximus apud vestram à Deo protectam excellenti-
am, Andream & Philippum sanctissimos Episcopos,
atq; Theodorum, eminentissimum nostrum nepotē,
pro consolatione atq; visitationis causā & prosperita-
tis vestræ latitiam agnoscere, & hoc petimus te, aman-
tissime fili, vt pro amore fautoris vestri beati Aposto-
lorum principis Petri, benignè eos solite suscipere iu-
beatis, vt cū gaudio & effectu causæ, & exaltatione san-
ctæ Dei Romanæ Ecclesiæ, ad nos remeantes, celeriter
eos absoluerè dignemini, vt ipse princeps Apostolo-
rum pro vobis intercedat ante Domini Dei nostri ma-
iestatem, vt amplius vestrum dilatet regnum & victo-
rias tribuat; nosq; etsi peccatores, ante confessionem
ipsius Dei Apostoli funderè valeamus preces.

Et hoc agnoscat à Deo protecta præcellentia ve-
stra, quia aliquantas ciuitates nostras Campaniæ ope-
rantes æmuli vestri, atque nostri, nefandissimi Bene-
uentani, ipsi nostro populo persuadentes subtrahere
à nostra ditione decertant, vna cum habitatoribus ca-
stri Caietani seu Terracinensium, obligantes se validis
Sacramentis, cum ipso patricio Siciliæ, qui in prædi-
cto castro Caietano residet, & decertant à potestate &
ditione B. Petri & nostra, eosdem Campanos vsurpa-
re, & Patricio Siciliæ subiugare. Nos vero dum hoc
ipsum agnouissemus viribus atque vicibus admonere
& prædicare per nostros Episcopos, & fideles B. Petri
eis direximus, cupientes eosdem Campanos nos sal-
k uos

uos habere, vt aliqua malitia eis minimè eueniret, vt ad nostri præsentiam coniungerent, aut per vnamquamq; ciuitatem primatos quinq; ad vestram à Deo fundatam præcellentiam destinarent. Sed neq; ad vestri præsentiam eos dirigere valuimus, nec ad nostros obtutus coniungere voluerunt. Tamen & Reuerentissimum fratrem nostrum Philippum seu & Paschalem, nostrum nepotem, eis direximus, vt nostris se præsentarent obtutibus, aut apud vestram regalem potentiam coniungere properarent. Nec tunc nostris admonitionibus se accommodare voluerunt. Dum vero eorum nequitia præualere minimè potuimus, disposuimus, cum Dei virtute atq; auxilio, vna cum vestra potentia generalem nostrum exercitum illuc dirigere, qui eos constringere debeant, & inimicos B. Petri atq; nostri seu vestri emendare.

Sed petimus te, amantissime fili, coram Deo viuo, vt nefandissimos & Deo odibiles Beneuentanos, per vestra scripta atq; fidelissimum vestrum Missum protestando dirigere iubeatis, vt à tali iniqua operatione resipiscant, & in nostris Campanis talia non imitant, quia nos per nullum tenorem ipsos nefandissimos Beneuentanos aut eorum Missos recipere volumus; sed nec ad consecrationem Episcoporum suscipere, dum contrarij B. Petri atque nostri & vestri effecti sunt. Interea petimus te magne Rex, & dulcissime fili, vt sicut à vobis poscere per Andream & Philippum, sanctissimos Episcopos nostros, & Theodorum, eminentissimum nostrum nepotem, direximus, ita in omnibus nostram postulationem adimplere iubeatis, vt Angelus Dei omnipotentis vos præcedat, & faciat vestram præcellentiam triumphantem, atq; cum ma-
gnis

gnis victoriis & exaltatione ad proprii regni vestri culmen, vna cum omni Deo dilecto Francorum exercitu, incolumem reuerti.

Item exemplar Epistole ad Dominum Carolum Regem directa, in qua continetur, de Monasterio sancti Hilarij Confessoris in Calligata: orat, ne ipsum, seu hospitaes, qui per colles Alpium siti sunt, in susceptione peregrinorum, vt à nulla magna paruaque persona inuadi sineret. Apud. Bar. & Centur. subijciuntur ista. Vt Gundibrando Duci Florentino mandet, vt qua eidem Monasterio, abstulit, reddat.

LXXIV.

DOMNO excellentissimo filio, nostroq; spiri-
tali Compatri Carolo, Regi Francorum, &
Langobardorum, atque patricio Romano-
rum, Adrianus Papa. Nouimus regalis excellentiæ
vestræ benignitatem pro Domini amore, atq; B. Petri
Apostolorum principis, à quo meritis & præclara est
dignitate ditata Ecclesia, & sicut amans iustitiæ, vni-
cuique suffragium impertire. Quatenus petentes
quæsumus, vt pro eiusdem B. Petri fautoris vestri a-
more, nostraq; paterna dilectione, sicut solita est ve-
stra perfulgida regalis potentia, piorum locorum soli-
citudine, restorationis iuamina ferre: Ita & in *sub-
iectis monasteriis spiritalis matris vestræ sanctæ no-
stræ Romanæ Ecclesiæ, quibus aura vibrantissima re-
gali in triumphis præcellentia concessa atq; offerta
sunt. Scilicet monasterium sancti Hilarij Confesso-
ris Christi * qui pons in Calligata, vna cum hospitali-
bus qui per calles Alpium siti sunt, pro peregrinorum
susceptione poscimus, vt à nulla magna paruaque
perso-

*Summ. 37.
Bar. 5
Cent.*

** sancti*

** qui locum.*